

大清光緒十五年

本館新聞除禮拜外日出一  
紙 諸君閱本報者無論  
本埠外埠均可函致本館取  
閱如外埠閱報加寄費可  
也除日報外常刊送外復不  
將工本從微國探辦釘書裁  
紙各機器以待與 各官商  
刊印書籍單件並有英法各  
國活字及各式花邊等延有  
西人專印工藝甚精所有中  
西文字均能刊印並有石板  
印字大小機器均用精工

第 二 千 二 百 零 二 號

# 申報

本館開設在舊巴口門牌第十四號

印工絕倫前延有文士書  
寫各體文字現由上海購到  
各種書籍出售其書目另行  
刊佈所有各項價甚相宜再  
本館所登來札原擇其有關  
世道人心者附登否亦須無  
礙於人而後始錄其有謬  
成文以及支離碎雜者概不  
登報嗣後 諸君來札尚祈  
自諒更須寫實里而後敢  
登但來稿登與不登均不能  
將原稿收回也 本館謹白

已丑二月廿九日

凡閱報者每月一元每日每張五仙 大英一千八百八十九年三月十三號禮拜六 凡印告白第一日每一字一仙第二日以下每字半仙

勸捐憲示 ○兩江總督部堂威毅伯曾 為勸切曉諭事照得本年江皖各處山田則元早成災  
濱河則黃流下注荒歉情形幾於耳不忍聞目不忍親業經本爵部堂奏蒙 特恩將河運漕米截留以資  
賑撫又准部文捐輸銀兩准給封典職銜實屬朝廷優獎凡在官民同聲感頌惟查蘇皖災區上下幾及千  
里江北漕米十萬石斷不敷用轉瞬隆冬嗷嗷思維再四惟有廣為勸募以補官款之不足合行勸切  
曉諭為此示仰紳富軍民人等知悉古語云作善之家降之百祥又云行道有福爾紳富等惻隱為懷樂善  
好施久矣神明共鑒前次督辦賑務直遇災向能力輸鉅款源源報解全活甚多此次災迫切近民更困苦尤  
望慨發慈悲之念踴躍輸將俾清聖災黎咸登衽席以仰體 九重好生之德本爵部堂有厚望焉所相銀  
兩照章給予獎叙倘有捐助鉅款者並當隨時奏請優獎以示鼓勵其各勉勵勿觀望切切特示

### 為善宜自盡其心說

本坡實籠岡之有陳篤生醫院蓋為貧病無歸者設也其先為陳君建創以病人就醫無所故慨然仗義病  
者賴之以其慷慨可風足以千古因即以君之姓名為名誌其實也行之數十年未嘗或替迨至前數年復  
整規模延請西醫主其事中西商紳佐之昔之視今固已舊觀事改矣然則羣力合作同此贊成均有司事  
之權誰作當仁之讓乃近閱該院進支總冊共助銀二萬有奇而華人協理四名僅助銀四十八元而已此  
外則盡出於國家之惠何多寡之懸絕有如此耶夫該院之費原耗於貧民之就醫而就醫之中以華人為  
眾雖曰無分畛域一視同仁不論何籍之人皆為一體然既與之同籍則宗邦之情誼殷殷就醫者既華  
人居多則協理之華商應如何急公仗義即有所破耗義不容辭萬里天涯鄉情宜篤加以目觀其苦貧病  
交攻此等情形宜動有心人之矜恤而況身為協理戰戰兢兢死恤生當躬有實績名核實獎能自勝仔  
肩倘存觀望之心以為惜財之地任該院之典廢等於何有無見病人之顛連置諸弗理弗論將何賴有  
此創建有此協理為哉竊謂諸公斷不出此其助款如是其少者殆有別故者乎然而義之所在何有輕以  
讓入使助發悉出於國家則諸公好善樂施之心何以白諸桑梓非特相形見拙大不獲觀而究其平日輕  
財重義之名未嘗無玷試觀凡有醫院其無公役可動者皆賴各人勸捐今該院之支需或有所出未可知  
也然即有所出而或助一粟或助一鉢皆可以用吾情而見其惠助之輕重稱家之有無試問諸公其果  
於杖頭者乎抑該院固有公費而不復待人以籌助者也再四思維不明其故還問於諸公可矣語曰不在  
其位不謀其政亦既同是協理西人則如彼華人則如此相提並論其何以解嘲今夫有為善之心而無為  
善之力則心雖切如力不足何有為善之力而無為善之事則力雖優如事無着何有為善之事而無為善  
之權事雖佳如權不屬何故必有是心有是力有是事有是權而後可也諸公以惻隱為懷不忍貧病之難  
民以失醫就斃其有為善之心固不待言矣以言夫力則諸公類為殷商家號素封為南洋之最著以言夫  
事則設有醫院實惠均沾救死回生其功非小作萬家之生佛勝七級之浮屠以言夫權則為革為因身居  
協理和衷以濟各有責成若是則固力足於為而其其事其權俱施仁則為春生斯惠則為秋殺者也胡為不  
少盡其力以期好善之心無使或歉乎哉倘仍自隱是有為善之名而未盡為善之實豈諸公益成該院之  
初志歟雖多助寡助不能比而同之以殷富如諸公自當恐後爭先不遺餘力財為天地之公物非挾以俱  
生曷勿以天地之所公用以為一己之所獨財貴善用其是之謂也夫人苟無為善之心則雖其力最優何  
敢強其傷財施惠世有守錢之虜以命肉財即披一毛可利天下猶不肯輕許獨為一儉此等鄙陋之徒何  
必多讎惟諸公則素負忠望見義勇為故敢以率直之言為豐千饒舌準情酌理振振有詞抑又聞之孔子  
有言惠而不費諸公不輕於助款其殆不俟有所費而後見其惠如孔子所言五美之君子者乎若然則本  
館之為諸公言者固亦盲人測月而妄言何者為雲掩何者為天開矣不誠可嗤耶

### 諭旨恭錄

○二月初一日軍機大臣面奉 諭旨二月初三日舉行 國政典禮後各衙門呈遞  
引見名單查照舊例仍用一分欽此同日軍機大臣面奉 諭旨本月初二初三初四初五日着推班欽此  
同日太常寺題二月十九日春分致祭 朝日壇奉 旨遣隆慶行禮欽此○初三日奉 上諭恩承着授  
為東閣大學士張之為着授為體仁閣大學士欽此同日奉 上諭安徽徽甯池太廣道員缺着成章補授

諭令軍機大臣總管內務府大臣會同步軍統領衙門妥議該案各情擬查明再行具奏等因欽此  
口分另議具各情向屬周妥即當照所請辦理惟立法伊始要在事實成功如欲辦理時認真籌辦不至日久仍成具文即深望內務府  
大員統轄此大體仍之使倘不認真經理以致再有曠誤定惟該大臣等是問保之飲此同日禮部奏深知貢舉 派出敬恒孫家鼐同日奉  
上諭巡視中城給事中文敬等奏武職不遵審斷肆意咆哮實參奏一摺據稱侍衛李開陽赴御史董毓斌宅求見中訴被毆跪有金高氏  
呈控請侍衛滋擾各情經給事中等遞傳不到嗣忽便衣前赴公署抗辯咆哮實屬不安本分此案著交刑部嚴訊確情按例懲辦李開陽著先  
行交部議處歸案實欽此

英京電音 ○廿五日英京發來電報云倫敦下議院現在聚議欲將英國海軍再增其額當時有議員起而論云此事似可不必以愚  
意觀之則我英之水陸兵軍且須裁減也時大臣俄士曾因起而答曰不然今欲天下同享太平則我英兵力必須強於天下方能無慮云云此  
殆因英方保泰持盛其前兵之由係因頭風非欲因而作亂也

荷事電音 ○廿五日英京發來電報云荷廷首相現在下議院內通知諸員云我君之恙尚未即痊不能親理萬幾而此事業已通知  
上議院內諸君矣

私烟案錄 ○廿五日日本坡巡理府左堂提訊私烟案一起被告林和華陳亞排二人計所獲私烟共值銀一百四十六元是日提訊畢  
知警私烟判各罰銀四百元無銀監禁四閱月

法添戰艦 ○現法國新製鐵甲戰船二艘均已完工其一名西治一名施施厘此二船一大五千墩一大六千墩每艘均能行十九  
水里船中軍器甚精且備現該二船已在多倫試水不日即當駛來亞洲撥歸法國東部戰船隊中調遣云

越米豐收 ○西貢遞來信息云該處米市現在甚為起色蓋越南之米大獲有秋其米石由內河載至者源源不絕故米價為之大降  
而來聞之米亦覺豐盛異常計西正月至今越米之到叻者已共有廿六萬八千三百担之多矣

預備行館 ○英京遞來信息言巴西國王現在將遊英國而英廷已預備大廈一區以安頓巴王車駕查王於西一千八百七十三年  
時經已到英一次時英皇供帳甚厚并預備麥敬敬離官一所鋪陳精美以為巴王祝嘏詎巴王隨員某眾且疎不潔致使離官一所盡變為積  
穢之場故巴王行後而英廷即將該宮重修清除穢穢甚至雕花屏壁以及地板等均須為之更換而英皇竟至半年之久未至其官緣避穢故  
也今巴王再遊英國而英廷竟另易巨第與之居住不復假以離官殆亦嫌其不潔歟憶前年中國派有某大臣出使歐洲道經滬上乃寓居  
該處大酒店中該店以為欽差大臣因盛為鋪陳優款待詎公使行後則鋪陳各物穢穢不堪甚即其地氈亦為水烟之灰灼焦該店主不得  
已乃向上海道看求償嗣經道憲派去銀四五千之多云觀此亦可見不潔之厭人矣

總差降級 ○竹脚總差差獵士前以安禁無辜因被告發即將該總差暫行革職歸案審辦一案前經刊報刻聞該總差已奉到制軍  
之命著降為無等巡差發往檳榔嶼中當值現該差已請假二禮拜一俟假期滿後即當就道聞該差與國家所立工約再閱數禮拜後即已滿  
期矣

篤生醫院進支總冊 ○本坡實龍岡篤生醫院乃當日陳君篤生所創延請西醫以治貧病現在協理諸人為輔政使司本坡官醫總  
巡捕官副輔政使司護衛司及普吉利狀師陳君金鐘章君芳林陳君景瑞陳君若錦黃君金炎等計共十一人現諸協理已將一千八百八十  
八年之進支總冊列出而是年國家所助之款計病者伙食銀一萬二千元藥費銀三千七百元病者衣服銀三百元工役辛資銀四千元并添  
補器物銀五十元計共助銀二萬零五百元并有華人協理四名助款共四十八元而是年所支病人伙食銀一萬二千三百七十七元二角半  
藥費銀四千零三十七元五角半病人衣服銀一百五十三元五角八占工役辛資銀三千八百廿六元三角半添置器物銀三十四元五角計  
共支銀二萬零四百三十三元二角三占云

舊案重稽 ○印度西報云現在得一告示頗覺新奇係為一千七百八十四年舊稿乃於國家舊冊中檢出內載印度其俄商人往  
西藏通商之事可知印俄通商有非今日始為難及也查當時該處尚為東都印度公司管轄而總統為華蘭下士甸因見商人等多喜赴藏貿  
易即飭其俄副總督至知蘇喇喇處商辦此事查知蘇喇喇即寓居知蘇南暴地方與印為鄰故特商之旋據喇喇稱諸商欲來貿易甚為欣  
悅自當竭力為之保護云云此示內所言之大意也嗣於一千七百八十五年之時復出有示云眾商如欲前往可先通知武丹王以便發照俾  
諸商得以便於來往惟諸商欲往貿易者須結伴而行於西四月初旬起行約於中旬即能抵藏在此貿易俟其雨期已過於西九月間即須回  
藏蓋該處晴雨有定期必須留心按期而行則沿路可免寒暑並為兩阻至於帶往發售各物則如洋布花布絨羽鐘表刀剪箱篋珊瑚珠粒  
手套等物 均能銷售而同頭之貨則以金沙為多云

蜜酒出賣



啟者本行由歐洲辦到上等密酒  
來助發售其酒甚佳茲將標頭印出  
諸君光顧祈為細認免致有誤倘  
有無恥之徒假冒本行銀匙標者本  
行定必嚴為控究此酒不能販往  
加勝吧 三寶壟 泗里末  
望加錫 檳榔嶼 日裡等處其  
他各埠均能運往並此佈聞  
大英一千八百八十六年十一月十  
八號 啟 明碼也洋行謹啟



法國頂上蜂窠標萬蘭池酒出售




啟者茲本公司親由法國督辦頂上好萬蘭池酒來  
助發售其酒清香濃郁醇厚具常飲之誠可令人長血  
氣壯筋骨悅顏色妙美無窮今市上所有萬蘭池酒無  
有能出其右者誠佐饌中妙品也至此酒惟本公司一  
家沽出餘無別家出售 諸君光顧請細認蜂窠標頭  
為記並細辨香味方不致誤價甚相宜倘有剽份之  
者祈早惠臨沽買是荷  
大英一千八百八十八年六月二十號  
大清光緒十四年五月十一日 明碼也公司謹啟

英國新出頂上花露水出售

啟者茲本公司所製之花露水及高浪水最為佳製  
其香之清而且久非尋常可及素已馳譽歐洲用此水  
者莫不噴噴稱爲妙品歷經荷領寶星七次以獎其佳  
然則其妙處可知茲  
欲廣為通曉故特佈  
告倘 諸君有欲採  
辦者祈請函致本公  
司取討價單便知一切特此佈 聞  
大英一千八百八拾七年四月二十五號  
大清光緒十三年 加刺安巴羅馬屋公司謹啟



代中西土商修整各種損壞機器工價格外公道如有 貴客賜顧者請至本  
廠面議特此佈聞 西一千八百八十一年十二月廿六號 德來安公司啟



啟者本公司製造廠開設在新嘉坡直落亞逸尾地方交易多年專造一切  
巧機器火鋸火礮大礮地之器具及大小輪船汽機鍋爐並各樣新式鋼鐵  
器皿一應俱全無不堅固耐久靈便合用廣六甲地方本公司開門有分廠並

中外眾國有限保險公司

啟者本公司總局設在香港多年備  
有資本銀二百萬兩已先收股份人  
米銀六十萬元及餘存銀六十萬元  
在叻係本行代理承保各商貨物銀  
項配運輪船來往各埠其保價用  
照例所有花紅之銀俟結賬之後按  
數分派前一千八百七十八年一  
千八百八十年每股得利息銀計五  
八仙又一千八百八十年至一千八  
百八十二年每股得利息銀計一八  
仙諸貴商賜顧者請至本行開相商  
可也 大清光緒九年 月 日  
英一千八百八十三年八月廿七號  
毛賀德公司謹啟

新到各書

啟者現本廠  
新由上海寄  
到活字排板  
石印各書計  
百餘種茲以  
廉價發沽諸  
君欲採辦者  
祈到本廠選  
購是荷至其  
書目太繁不  
能殫述凡富  
貴白龍可也  
謹啟



售發酒密烏



啟者本行向由英國督辦各種美酒來叻發售久已遐邇馳名茲復由英新辦到頭等士斗雲字號之狗頭標烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲飲者請至本行取用可也此佈  
大英一千八百八十八年八月十五號 明碼也洋行啟

售發酒密上頂國西

# Culmbacher Bock-Bier



啟者茲本行親由歐洲督辦頂上正裝密酒來叻發售其酒香美異常且蒸製最為得法功能清涼解毒除煩於南洋尤屬相宜常飲之可令人不沾暑濕痼疾等症茲特前來發售價甚相宜 諸君欲購買者請認以上所印此酒標頭慎為選擇以免為魚珠之混是所切盼特此佈聞  
大清光緒十四年九月廿七日  
大英一千八百八十八年十月三十一號  
奕憐豐洋行啟

## 佛羅新藥水

西國醫士佛羅新配製治病滋補氣血藥水能治肝癆肺癆胃弱飲食停滯心悸多驚四肢酸軟身虛體弱酒色過度等症經馳名於世二十餘年天下各國講究講養者多經服用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日飲三次俱晨午晚膳後乃飲每次用一茶匙以冷水或凍茶一酒杯開飲須食一樽之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里直洋行對門之新嘉坡藥房即勞末申藥房內參加有處選購大樽每樽分作一百二十八服價銀一元半樽每樽分作六十四服價銀一元此佈  
大英一千八百八十八年正月十八號

美國紐約佛羅新公司謹啟

催收餘款 ○啟者本行開辦以來蒙 諸君金集捐款無不奉行贈藥施醫各事親承社同人公辦欲續其規模以宏善舉則款不無不為籌備用特通知 四方善信其有認捐善款者祈早日賜交敝社得此舉善事宜至於外埠所發傳單亦祈早日來同敝社俾得彙徵信錄以歸清楚諸希 原有統緒 善安  
大清光緒十五年二月十二日  
同濟醫社同人謹啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬當行出色者更有無須表匙自能上鍊之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美觀以備諸君選擇他如金表金匙相合金表練金戒指等各物甚多不能備錄而本店并能代 諸君修理鐘表以及風雨針等件甚為精細保能看度無訛 諸君惠顧請即移玉 光臨為盼  
大英一千八百八十八年四月十七號  
橫申鐘表店謹啟

故遂盡其髮以從其俗而婦果以女妻之焉。詎女自于歸而後，恍惚驚寤，月而後郭携女赴於曼華，輕嘗此去。歲秋間事也不意，前月間婦以病終郭聞，計偕女奔喪，為之營葬。計婦逝後，猶有遺資及屋約值千餘元，女欲領之，惟郭及女赴曼時，即留職娶各服華裝，至是婦喪其親屬，不欲許女領，願遺資及屋後女多方調停，而親屬不得為之爭執，而該案終歸於女。管握云：然則郭異族求鳳，盡其髮以遂好述之念，其立志不可謂不苦也。然而能矣。

白鶴空飛 ○李氏婦閨籍人生有姿色而賦性狡展，以碧玉之年，華際文君之新寡，紅顏薄命，攬鏡自傷矣。不料有閩人池某者，向在大巴窰以植蠶營生，頗有所積，惟客外多年，每欲以海外為家，以破岑寂。一日見婦而悅之，遂託媒為之撮合。因以英銀八十元以作聘金，婦歸其資，偽為允諾。果於前數日遂賦于歸，池以為地久天長，偕同白首，詎僅閱二日而婦伺池弗察，乃乘間盜其財物及資而暗裡私逃。竟作月娥竄去，池察覺登報偵騎四訪，終亦不知其宗。兆焉至是，始知該婦之有意圖騙，惟有徒呼荷荷而已。噫，婚姻之事實為人倫之始，正當相敬如賓，以期相諧白首，而乃視為騙局，此世風之所以日下也。曷勝浩嘆。

請釋疑懷 ○茲閱叻報，念一日所登事有難明一節，內指本官言去年四月間有某信士曾敬製繡幃一幅，在神前懸掛以答神庥。乃越月往視，該幃已歸烏有。嗣經問悉，酬神不一，必須時為更換。及前日某薩薩期亦無懸掛，而視神前所掛者，均是陳舊之物，等情伏念信士所懸不謂無因，然既為信士酬神之件，又何用疑焉？想本官向來理事勤慎，不敢以信士酬神之物置之不顧。所有新雅之物必留俟慶開之期始取出，懸掛以壯觀瞻。而此次替薩薩期日苟或忘掛信士之物，亦有之或因蠶掛底層而觀之不親，亦有之又何必遽為執罪也。在信士之意必欲該物時常掛在神前，使佛祖時時得見信士之物，方為快也。若果人人如此想法，則雖加倍宏敬之官亦不敷其張掛矣。夫酬神之物神已感其誠，又有何必拘拘欲時常掛於神前哉。茲特將委曲錄陳，倘信士未釋疑懷，則請至本官當將所有幃幃呈出，俾其查照，庶得以昭清白焉。謹此覆達。

天福宮住持碧岩謹覆

樞垣野秩 ○京友抄示軍機處王大臣及滿漢各章京銜名一單，此該時務者所當知也。亟錄之。○管理軍機事務佩帶印信和碩親王。經筵講官武英殿大學士管理兵部事務軍機大臣領銜山中堂勒和布滿洲副藍旗人壬子科進士。經筵講官東閣大學士管理戶部事務軍機大臣張子青中堂之熱直隸南皮縣人丁未科狀元。頭品頂戴兵部尚書許星叔大司馬庚身折江仁和縣人壬戌科進士。經筵講官刑部尚書軍機大臣孫榮山大司寇冠嶽派山東濟甯州人丙辰科榜眼。○軍機章京滿頭班。領班戶部郎中如鶴儀司會松滿洲正白旗人。帶領班工部員外郎文郁國校丞明滿洲副黃旗人繙譯生員。內閣侍讀德俊臣中書檢正克吉納滿洲副白旗人。禮部郎中玉久峰司禮恒蒙古正黃旗人監生。刑部主事桂月亭士師春滿洲正藍旗人繙譯舉人。吏部郎中保益圖司勳滿洲副藍旗人繙譯生員。戶部筆帖式和允修令史爾廣額滿洲副白旗人。理藩院郎中志文甫小賓都機蒙古正白旗人。理藩院郎中多仁山小賓都機蒙古正紅旗人。滿二班。領班內閣侍讀文子俊中書檢正英滿洲正藍旗人。帶領班通政使司參議望子嚴公車司馬尉滿洲正白旗舉人。理藩院員外郎奎文樓小賓都華蒙古正黃旗人。戶部員外郎學璵孫司會琦滿洲正藍旗人。戶部主事延錫之司會社滿洲副藍旗人。理藩院員外郎齊介臣小賓都普森滿洲正藍旗人監生。刑部員外郎郎丹五士師桂滿洲正藍旗人貢生。理藩院主事特如全小賓都圍旗蒙古正白旗人。兵部候補主事穆崇階與司馬克登額滿洲副白旗人。○軍機章京漢頭班。領班前大理寺卿沈叔眉廷尉源深河南祥符縣人庚申科進士。帶領班刑部郎中孟士師繼直隸天津縣舉人。戶部郎中徐叔鴻司會樹鈞湖南長沙縣人舉人。兵部郎中補郎中沈鹿華與司馬恩嘉直隸天津縣人丁卯科進士。戶部員外郎顧瀛溪司會河南祥符縣人丙子科進士。吏部員外郎王鏡逸司勳微山西平定州人壬戌科進士。兵部主事胡虎與司馬寶錫安徽績溪縣人戊辰科進士。刑部員外郎陳希圖士師邦瑞浙江慈谿縣人丙子科進士。刑部領外主事吳肅堂士師魯福建晉江縣人拔貢。戶部領外主事陳大亮司會熾江西瑞金縣人舉人。○漢二班。領班太僕寺卿鍾子密牧正應鴻浙江嘉興縣人拔貢。帶領班工部員外郎祝盛甫校丞維城江西鉛山縣人拔貢。吏部郎中金忠甫司勳保泰浙江錢塘縣人辛未科進士。戶部主事王運航司會汝濟漢軍副黃旗人拔貢。工部主事徐古蘇校丞迪新江蘇金山縣人舉人。刑部主事陳循伯士師常直隸安州人拔貢。刑部主事易蘭勛士師俊湖北興國州人癸酉科拔貢。刑部主事馮莘垞士師錫仁湖南沅陵縣人丁丑科進士。吏部候補主事孫司勳明華直隸南宮縣人丁丑科進士。戶部候補主事王駿卿司會頤江蘇長洲縣人庚辰科進士。

東報述譯 ○四月間日皇擬出巡佐世保港鎮守府行幸時以高千穗輪船為坐船，刻下該船在崎港載炭，炭再往神戶積煤一併送品。川灣橫濱濱海葛城御旗艦交代然後准備四月間巡幸之用。長崎縣為橫濱神戶新濱函館等地所有寓居外國人開涉舊習，每欲改訂章程。此案去年十月中下知事與吉田警部長上京時曾稟請外務大臣就該當時所稟何事外人不得而知。現悉即本年舉行三事一為正月廿四號照會租界外寓居外國人自本年以降欲收地方稅區町村費歸長區役管理二為二月廿七號中國人在街頭燃放百子花爆皮此外火器一律禁止犯則罰洋十元。縣縣徵納三為二月六號租界內居住之日本自廿二年起稅費照例徵收歸區役所管理。惟禁止華人燃放花







啟者余之眼鏡前在本坡發售蒙諸仕商賞識譽良多嗣以事往華現已由華海再抵叻中携有眼鏡甚多到叻以為發售此大博到各眼鏡均其精美在華之日經李傅相及王公大臣等均到購買深蒙獎譽謂余之眼鏡製造精巧非他人所能及以故一時士大夫深買者甚眾現到本坡暫寓拋球場大酒店第十一號房內擬住至西本月下浣即起程回歐倘諸君有欲購買眼鏡及詢目疾者祈早惠臨相商至於有患目症到來詢問者分文不受特此佈聞

大英一千八百八十九年三月六號

西人羅倫士謹啟

北基娘輔政使司 為招商承充烟餉事照得本境東方一帶烟碼現屆更換之期查該烟碼係由丹戎意拿蘭東起至什務高河止其承充之期由西六月起至十二月底止以半年為期其章程與新嘉坡烟碼相同至於各票限於西五月內投交其票面須寫交仙那港輔政使司收開以憑選擇如欲知其詳細者在叻則向然申洋行在港則向拿南治洋行詢問便得各宜踴躍慎無觀望特諭

大英一千八百八十九年三月十二號

示

招徠開墾 ○大英北基娘輔政使司 為招徠開墾事照得本轄內仙那港古達及蠻奴等處有地段甚多招人墾種計古達地段與人墾種者每年每畝僅收回稅銀二角而第一年國家并不抽收其稅而該處旅居之客籍人其入天主教者甚多均已落業安居墾耕為活其在蠻奴地方西境則進教之人亦眾倘諸教人欲往開墾者亦未嘗不可倘在該處開墾種植胡椒者國家三年不收其稅現該處已有天主教之牧師居住而土客諸人之入教者如過數中人往為墾作必甚喜而相助也其在仙那港向國家討取地畝以為種植者亦免其稅三年而三年之後每年每畝僅收回稅銀二角惟在仙那港近埠之處無甚膏腴之地須距三四英里之遠方有佳地以為種植惟該處有一港可通內山每早其風由外而入下午則由內而出以故船隻往來甚為利便如有數人合力種植共置船隻以為出入則既可省費復能利便在相宜如在港地有眷屬前住者必須先向皇后大道代理人巴釐洋行詢問一切并向該行請憑與本國家官署其入係來墾種者可求國家之助惟現在蠻奴地方本國家猶未設官前往諸人欲至該處者須先向國家請令或在港請於代理人巴釐洋行在叻請於代理人然申洋行云有若干人前往再由代理人通知本輔政使司俾本國家預備地段并通知牧師以便照應至於諸人欲往仙那港及古達等處則其地甚多無論何時均能領取如具資本往討地以種植者其地應照現在西人所償之稅每年每畝繳稅三元而現在由港到者每月有藍烟筒輪船往來一次由叻到者每月往來二次所收船費由五元至六元之譜惟向吧厘洋行取單則每客四元便能前往至於小孩則六歲以下不收船稅六歲以上至十二歲則收半價茲并將仙那港諸工藝之價列明如左 管理機器者每日工銀一元 火夫每日工銀五角 華人木匠每日工銀五角至七角 華人鐵匠每日工銀五角至七角 泥水匠每日工銀六角 華人工役每日工銀三角至四角 土人工役每日工銀二角半至三角 華人園丁每月工銀八元至十元 土人園丁每月工銀八元至九元 庖役每月工銀十元至十五元 侍役每月工銀八元至十元 船艇工人每月工銀九元至十元 以上各款於工作之人甚為利便各宜踴躍前來無庸顧慮切切此諭

大英一千八百八十九年三月十三號

示

RIGAND'S KANAGA WATER.

列頭干那芽花露水 ○此水係以干那芽花所製其花出自日本國中香冠凡卉乃列頭君在日本探辦載回法京製成此水以故其香甚清而其用亦甚善如皮膚有皺裂等病抹此香水固能愈痊尤可解蚊口之毒若以此香水和水盥洗固能令人肌膚嫩滑顏色光潤且瘡癤不生本藥房製成此種花露水銷流已久遐邇傳揚不料近有德商仿照本藥房所造此水以圖射利其實氣味遠遜過隔霄壤 諸尊有購買此水者請看以下所列第一款之西字標頭本藥房所用製載此水之樽係有浮凸字樣如下所列第二款式且有西字註明列頭公司字樣如標各均有細書號據始為真貨否則係為混冒向祈慎購至於各式人等有欲買本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈

'KANAGA DEPOSE'

4430.

MORRHUOL.

模好呂解毒保元藥丸 ○此丸治諸虛損吐血花柳傳毒咳嗽哮喘目痛重舌等症其效如神且不惟解毒並能調和營衛葆養精神現在法英美等國醫士所用花柳敗毒之藥均用此丸無不藥到病除立見春回若服此丸須仿照服魚肝油之法要緩緩吞下必於用飯時吞服一二粒切勿誤為急吞以背服法此丸係以樽裝每樽計一百粒現託新嘉坡藥房麥加君處代售此佈

大英十一月八號

SANTAL MIDY,

DR. MIDY'S SANDAL OIL CAPSULES.

檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶瘰癧一切等症如症雖香痛服之立止而服藥後約歷二三日即見功效但所患過重者須每日吞食六次每次吞食二粒至痊愈後宜再吞食十日庶得消除後患永絕根株惟食此藥時宜戒色慾忌食辛辣等物幸勿自誤致損藥力之不神也現此藥託新嘉坡藥房麥加君處代售此佈

FRUIT JULIEN.

浮律如里福藥糖 ○此藥糖係採鮮果之汁加以藥料和製成塊略如糖粒氣味甘佳而其功效較於藥油為日無論男女老幼均能服食且其味有如菓最為適口尤為小兒所愛其藥力均可治肚汁太多重舌頭痛等結大便不通痰疹血熱血毒以及皮膚疥癩等症服之亦可涼血行滯且能令臟腑潔淨痼疾立除但服之法宜於臨睡時吞服一二粒至翌早飲茶一杯須臾即覺大便通利身體爽快現此藥託新嘉坡藥房麥加君處代售此佈

